

Ն Ո Ր Գ Ր Ք Ե Ր

Գ. Խ. ՍԱՐԳՍՅԱՆ — «Հելլենիստական դարաշրջանի Հայաստանը և Մովսես Խորենացին», Հայկական ՍՍՀ գիտությունների ակադեմիայի հրատարակչություն, 1966 թ., տպաքանակը՝ 3000, 260 էջ, գինը՝ 92 կոպ.:

Ներկա աշխատության մեջ հեղինակը հինգերորդ դարի պատմիչ Մովսես Խորենացու մոտ պահպանված հայ ժողովրդի պատմության հելլենիստական շրջանի վերաբերյալ կարևոր տեղեկությունների հիման վրա լուսաբանում է այդ աղբյուրների ակունքները, և Մովսես Խորենացու կողմից նրանց մշակման եղանակները:

Գիրքն ունի հավելված, ուր տպագրված են նոր մատենադրական նյութեր Արտաշես Ա-ի մասին, և հատուկ անունների ցանկ:

Հ. Մ. ԱՄԱԼՅԱՆ — «Միջնադարյան Հայաստանի բառարանագրական հուշարձաններ», Հայկական ՍՍՀ գիտությունների ակադեմիայի հրատարակչություն, 1966 թ., տպաքանակը՝ 1000, 242 էջ, գինը՝ 83 կոպ.:

Աշխատության մեջ արծարծվում են հայ միջնադարյան բառարանագրության սկզբնավորման, զարգացման, տեսության ու բնույթի հիմնական հարցերը, բանասիրական ու լեզվաբանական քննության են ենթարկվում V—XV դարերի բառարանագրական հուշարձանները, ցույց է տրվում նրանց դերը միջնադարյան մշակույթի մեջ և արժեքը արդի հայագիտության, մասնավորապես հայ լեզվաբանության համար:

Է. Բ. ԱՂԱՅԱՆ — «Ժամանակակից հայերենի հոլովումը և խոնարհումը», Հայկական ՍՍՀ գիտությունների ակադեմիայի հրատարակչություն, 1967 թ., տպաքանակը՝ 4000, 404 էջ, գինը՝ 1 ռ. 54 կոպ.

Սույն ուսումնասիրությունը ժամանակակից հայերենի հոլովման ու խոնարհման համակարգի կառուցվածքային վերլուծության ու նկարագրության առաջին փորձն է:

Մենագրության մեջ հանգամանորեն նկարագրվում են հոլովման ու խոնարհման ձևերի կառուցվածքային առանձնահատկությունները և դրանց հիման վրա տրվում այդ ձևերի ընդհանուր մոդելները: